



UGANDA CONSORTIUM ON
CORPORATE ACCOUNTABILITY

U C C A

ENGENDERWAHO Y'ABASIBESI HA NKORA Y'EBITONGOLE EBYETONGOIRE EBY'OBWAKALIISOLIISO

**N'EKIGENDERERWA KYOKULEETAHO ENKORA
EY'OMUSANA N'OKUSEMEZA EBIBA BISIISIRWE**



KWANJURA

Ebifunziibwe	i
Eby'kubandizaaho	1
1. Ebitongole by'ensimbi eby'amahanga gatali gamu (IFIs) n'ebitongole ebyohoza ensimbi z'okuleetaho enkurakurana (DFIs) omu mahanga gatali gamu nibyo biha	2
2. Ebimu ha by'okuroraho ebya DFI ebikira kukanya	2
3. Mirimo ki erukuteekwamu ensimbi ebitongole bya IFI omu Uganda	3
4. Emikorre n'obwerinzi bicwibwa bita omu purojekiti eziteekwamu ensimbi ebitongole eby'ensimbi eby'amahanga gatali gamu (IFIs)	5
5. Mihanda ki eyeroho kurora hasemezibwa ebisiisirwe emirimo ya projekiti ezirukusagikwa ebitongole bya DFI	5
6. Ebitebe ebyetongoire eby'obwa kaliisoliiso bikora bita?	8
7. Bwakisiisi eyesobora okutungwa eba ya mulingo ki?	10
8. Nsobora nta kuhayo kuhyema kwange?	10
9. Nooha asobora kuhayo kuhyema?	10
10. Nibiha ebikuru ebirukwetaagisa kuba omu kuhyema	10
11. Habwaki tusemeriire kukozeza ebitebe ebyetongoire eby'obwakaliisoliiso.....	11
12. Bulinzi ki obuheebwa purojekiti eziteekwamu ensimbi ebitongole eby'ensimbi eby'amahanga gatali gamu?	11
13. Obwerinzi obw'ebitongole by'ensimbi eby'amahanga gatali gamu bukwata ha ngiga ziha?	11
14. Abantu abasobeziibwe basobora kuserra bwakisiisi okuraba omu bitongole ebyetongoire eby'obwakaliisoliiso kandi hamurundi nugwo gumu, bakakozeza emihanda endi ey'okunyegerra?	12
15. Bikuru ki ebisemeriire kwijukwa habikwatagaine n'emikorre eyebitongole ebyetongoire eby'obwakaliisoliiso	12
16. Kumalirra	12

EBIFUNZIIBWE

ADB	Banka Y'ebyenkurakuran ya Buharabu
AfDB	Banka Y'byenkurakuran ya Africa
IAMs	Ebitongole Ebyetongoire Eby'obwakaliisoliiso
IFIs	Ebitongole Eby'ensimbi Eby'amahanga gatali gamu
IMF	Ekitongole eky'amahanga gatali gamu ekirolerra enkozesa ya sente
IP	Ekitongole ekyetongoire eky'obwakaliisoliiso omu banka y'ensi yoona (World Bank)
IRM	Ekitongole ekyetongoire eky'obwakaliisoliiso omu banka y'ebyenkurakuran eya Afirika
WB	Banka yensi yoona
HR	Obugabe bw'abantu
DFI	Ekitongole kyohoza ensimbi z'enkurakurana

Eby'kubandizaaho

Abasibensi n'okusiga ensimbi eri emisingi ebiri eyetasobora kwahukanizibwamu omu kuleetaho enkurakuran mu bantu. Baitu nobu kiraba kiri ngu kusiga ensimbi kikuru muno omu kwimukya omutindo gw'enyikara y'abasibensi, emirundi etali emu kusiga ensimbi kunu kumalirra nikuleetaho obulemeezi obukwatagaine n'okurubatirra obugabe bwabantu. Kinu kireetereza abasibensi abtaine bwirukiro hokutungira obwinganiza habw'ensimbi nyamwingi ezetaagisa kugenda mu kooti, kufeerwa.

Biro binu haroho entegeka nyingi ezitairweho kusemeza ebi ebiba bisiisirwe purojekiti eziteekwamu ensimbi ebitongole by'ensimbi eby'amahanga gatali gamu (IFIs) Kakuba habaho kutahondera mikorre n'obulinzi ebyatairweho ebitongole ebi. Enkora enu neetekaho emihanda endi kweyongera hali egi eyetaahaho kurora enganaana zamarwaho.

Engenderwaho enu eroho kworobya ensoborra y'ebitongole eby'etongoire eby'obwakaliisoliiso kandi nehereza emihanda eyeroho habw'abasibensi abarukugonza kuhayo kuhyema kwabo kakuba emikorre n'obulinzi biba bitagendiirweho omu kuteeka munkora emirimo ya purojekiti zitali zimu. Ebitongole binu nibikoonyera nobu bakuba basobeziibwe omu by'obuhangwa ebibetoroire, eby'enyikara y'abantu rundi eby'enkurakurana omu kusiga ensimbi.

Ebiri omu ngenderwaho enu nibiha abasibensi omugisa kwetaba omu kawefube eyokuleetaho enkora ey'omusana kurora ngu iraka lyabo lyahulirwa kandi n'ensonga zaabo zaakorwaho. Nahabweeki engenderwaho enu neheereza ekyokuragirirraho ekyanguhire kandi ekirukwetegerezibwa buli omu hali abo abaikazi, ebitongole n'abantu omu homu abarukuba bazobeziibwe omu mikorre ya purojekiti kutunga bwakisiisi habw'ensobi ezo.

1. Ebitongole eby'ensimbi eby'amahanga gatali gamu (IFIs) n'ebitongole ebyohoza ensimbi ez'enkurakurana (DFIs) nibyo biha

Ebitongole by'ensimbi ebyamahanga gatali gamu (IFIs) nibyo ebitongole ebiteeka esira omu kuheereza obukonyezi bw'ensimbi, obukugu n'okuhabura omu mikorre y'entegeka z'okusiga ensimbi ez'entegeka y'okukurakurana omu mahanga gatali gamu omunsi yona.

Ebitongole ebyohoza ensimbi z'enkurakurana (DFIs) nibyo ebitongole ebiheereza amahanga rundi abantu ba bulikiro obukoonyezi bw'ensimbi okubakonyera omu bu purojekiti obutoito. Ebitongole binu (DFIs) bikira kukonyera gavumenti rundi ebitongole ebindi ebirukukonyera abatarukwesobora.

Byombi DFIs na IFIs bikora omulimo mukooto omu kukumakuma ensimbi z'okuleetaho enkurakurana n'okurora habaho entaahya ey'rutekerro.

2. Eby'okuroraho ebya IFIs

Eby'okuroraho bya IFIs birumu; Banka yensi yona (World Bank), Ekitongole ekirrolerra enkozesa ya sente omu mahanga gatali gamu omunsi yona (IMF), Banka y'enkurakurana ya Buharabu (Asian Development Bank) (ADB), Banka y'enkurakurana ya Afirika (African Development Bank) (AFDB). N'ebitongole ebindi bingi. Binu nisobororwaho hansi.

i Banka yensi yona (World Bank)

Banka yensi yona kitongole ky'enkurakurana ekyamahanga gatali gamu ekirukutwarwa amahanga 189 kandi ekiine obujunaanizibwa bw'okukehya obunaku nikiraba omu kwohoza gavumenti zitali zimu kuzikonyera kwimukya omutindo gw'entaahya yazo n'okusemeza enyikara y'abantu baazo. Ensimbi eziruga omu banka yensi yona zikira kukonyera omu kuteekaho amaizi amarungji, kwombeka amasomero n'okukurakurana ebyobulimi n'amatungo.

ii Ekitongole ekirolerra enkozesa ya sente omu mahanga gatali gamu omunsi yoona (IMF)

IMF Kitongole kyensi yoona ekitwarwa amahanga 190 kiine ekigendererwa kyokuleetaho enkurakurana n'obuguda eby'orutekerro kandi ebyaboono kuraba omu kusagika emikorre y'ebyenkurakurana eteeka n'okukorrana omu by'ensimbi'

iii Banka y'enkurakurana eya Buharabu (ADB)

ADB kitongole ky'ebyensimbi eky'amahanga agatali gamu ekirengaho kukonyera amahanga gaakyo kukeehya obunaku n'okwimukya omutindo gw'enyikara y'abantu baago nigaraba omu mikorre y'enkurakurana erukwetabwamu buli omu erukulinda ebyobuhangwa nokwitanira kweterana kwamahanga g'omukiikaro eki. Esira nikiriteeka omu biikaro bya Buharabu. Emirimo yakyo omu Afirika neeraba mu kukorrana na gavumenti z'omu Afirika rundi ebitongole ebindi eby'ensimbi.

iv Banka y'enkurakurana eya Afirika (AFDB)

AFDB kitongole ky'ebyensimbi ekyamahanga gatali gamu omu kicweka kya Afirika ekyatairweho kuleetaho enkurakurana omu by'ensimbi n'enyikara y'abantu omu mahanga ga Afirika agarukutwara banka enu.

3. Mirimo ki erukusagikwa ebitongole bya IFI omu Uganda?

IFIs na DFIs bitongole ebitekaho emihanda enkuru eyerugwamu ensimbi ezikonyera abantu ba buli kiro na gavumenti kandi ebitongole binu bikora kikooto omu kukeehya ibura ly'ensimbi omu ihanga lya Uganda. Gavument ya Uganda etaaha neyeyohoza ensimbi kandi amabanja ganu gagenzire nigeyongerera. Omu bwiire bunu obuturumu kurorra ha mwezi gwa November 2024, purojekiti ezimu ezirukuteekwamu ensimbi ebitongole bya IFI omu Uganda nizo zinu

Purojekiti y'ebuyobusohi n'okulinda amaizi ha Nyanja za Edward na Albert (LEAF II) eyiina ekigendererwa ky'okukurakuraniza abaikazi ba hanyanja ezo.

Purojekiti y'okwimukya entahya y'abalimi n'okulinda ebibira ey'ekigendererwa ky'okuleetaho enkurakurana y'abalimi enyikara y'abantu ab'omubyaro kwongera obwingi bw'ebiyokulya n'okuleetaho okugumira empindahinduka y'obwiire.



Purojekiti y'okwimukya omutindo gw'obutale n'okutunda eby'obulimi (MATIP 2) n'ekigendererwa kyokukonyera omu kukehya obunaku n'okwimukya omutindo gw'ebiy'enkurakurana.

Purojekiti y'okwongera omuhendo ogwabarukuhikibwaho amasanyarazi (EASP)



Purojekiti y'okukuranza ebitongolr n'enguudo omu Kampala (KIIDP 2) (P133590) purojekiti enu neteekwamu ensimbi banka yensi yoona eyerumu: kukora emikura y'okutwara amaizi kurora habaho kukeeha kw'okusandaara kw'amaizi.

4. Okutyoboola Eddembe Ly'obuntu Okutera Okulabwa Mu Polojekiti Eziteereddwamu Ensimbi Ebitongole By'ensimbi Ebiri Ku Mutendera Gw'Ensi Yonna

Ensobi ezikira kukorwa omu purojekiti eziba zisagikirwe ebitongole bya IFI nizo:

- Kutalehera bantu
- Kusiisa amaizi orwooya n'itaka
- Kut'ekaguzaahe ekirukumara abrukukwatwaho nokulema kubaha omugisa gw'okwetaba omu purojekiti ezi
- Kutafaaho abasibensi ab'embaganiza n'ebitebe by'abantu abaine obuceke
- Kufurra abantu bateegondiize

5. Amakubo Ag'enjawulo Agasobola Okuyitibwamu Okugonjoola Okumalawo Obutakkaanya Bwonna?

Ebitongole bya IFI nebya DFI bikatekaho ebitongole eby'okweterraho eduuru kakuba habaho kucwa ebiragiro n'engenderwaho ezatairweho kuleetaho obulinzi n'emikorre mirungi. Ebimu ha bitongole binu nibyo:

- i** Ebitongole eby'ensimbi ebiri hansi ya banka yensi yoona (World Bank group) bikatekaho ekitongole ekyetongoir eky'obwakaliisoliiso ekimanyirwe nk'akatebe akakebezi (Inspection Panel) nk'omulingo gw'okutangirraga kuhyema kwabantu abarukuhurra ngu basobeziibwe rundi nibasobora kusobeziibwa purojekiti erukuteekwamu ensimbi banka y'ensi yoona. Ebirukukira aho n'obisanga hanu: <https://www.inspectionpanel.org/>
- ii** Nyampara w'okuha amagezi n'okuhabura ha mikorre ya purojekiti (The Compliance Advisor Ombudsman) Kinu Kitongole ky'obwakaliisoliiso hali Ekitongole ekireetaho enkorrana omu by'ensimbi (International Finance Cooperation) (IFC) nekitongole ekiha garanta okusiga ensimbi okukorwa omu purojekiti nyingi hamurundi gumu. (Multi Investment Guarantee Agency) (MIGA) ekyatairweho kuhuliirizaaga kuhyema ha purojekiti za IFC na MIGA n'okusemeza ebiba bisobere omu by'obuhangwa n'enyikara y'abantu omu purojekiti ezo.

- iii) **Banka y'enkurakurana eya Afirika (African Development Bank) (AFDB)** Ine ekitongole eky'obwakaliisoliiso ekimanyirwe nka **IRM (Independent Recourse Mechanism)** ekikora okwekebija omulingo emikorre n'engenderwaho za banka biba bihondiirwe om purojekiti. Rundi kuleeta ha meeza abasobeziibwe na bakama ba purojekiti kuhanuura bakaikirraniza kumaraho enganaana. Ebirukukira hanu obisange; <https://irm.afdb.org/>
- iv) **Ekitongole ekirolerra enkozesa ya sente omu mahanga gatali gamu omunsi yoona (International Monetary Fund) (IMF)** Kinu kyo tigura kitongole ekyetongoire eky'obwakaliisoliiso ekyatairweho kusemeza ebisobere omu projekiti zaakyo.
- v) **Banka y'enkurakurana eya Buharabu (ADB)** ine ekitongole ekyetongoire eky'obwakaliisoliiso ekiteekaho omuhanda gwabo boona abasobeziibwe projekiti za banka egyo erukuteekamu ensimbi barukusobora kukozeza kuhayo iraka lyabo bakatunga omulingo gw'okumaraho enganaana zaabo.
- vi) **Ekitongole ekiteeka ensimbi omu kulinda eby'obuhangwa (Green Climate Fund) (GCF)** kiine ekitongole ekyetongoire eky'obwakaliisoliiso ekimanyirwe nka IRM (Independent Redress Mechanism). GCF eri emu ha nyomyo enkuru omu ndagaano eya Paris (Paris agreement) kandi nikyo ekitongole ky'eby'ensimbi ekirukikirayo obukoto omunsi yoona. GCF eteeka esira ha kukonmyera amahanga agakyakurakurana kuhikiiriza ebigendererwa byago eby'okukehya emiika eyetabangura obwire n'okugasobozesa kugumira empindahinduka y'obwiire. IRM erengaho kukoraho kuhyema kw'abantu omu nomu, ebitebe by'abantu rundi abasibensi abasobeziibwe purojekiti ezitairwemu ensimbi GRC omu bwangu, mubwinganiza kandi mumazima.
Ekitongole ekyetongoire ekihuliiriza kuhyema (Independent Complaints Mechanism) (ICM) ekitongole eky'ekitongole eky'amahanga gatali gamu ekyatandikirweho kuteeka ensimbi omu kulinda eby'obuhangwa (International Climate Initiative) (IKI) eri nyomyo nkuru omu kawefube wa gavumenti ya Bugirimani kuteeka ensimbi omu kusemeza eby'obuhangwa eyatandikire omu mwaka gwa 2022 n'ekigendererwa ky'okusagika kuteeka mu nkora n'okutwara mumaiso enteekaniza gavumenti ez'amahanga agakyakurakurana ezi zayeteekiireho ezirukukwatana n'endagaano ya Paris.

ICM ekya IKI kiine ekigendererwa ky'okuteekaho omulingo gwabo boona abasobeziibwe omu by'obuhangwa n'enyikara y'abantu purojekiti za IKI erukuteekamu ensimbi rundi abo boona abarukugonza kweterra enduuru ha birukukwata ha kukozeza kubi ensimbi za IKI kuhayo iraka lyabo bakasaba bwakisiisi.

viii **Ekitongole ekyetongoire eky'obwakaliisoliiso ekireetaho enkora yomusana enyumaho ekyali kimanyirwe nka ofiisi eyejunanizibwa n'enkora ey'omusana.** Eri ofiisi eyeyetongoire omu kitongole ky'ebyensimbi z'enkurakurana y'amahanga agali aheeru ya America (DFC) ekikoraho ensonga, kuhyema rundi obutabanguko omu by'obuhangwa n'enyikara y'abantu omu purojekiti ezirukusagikwa DFC. Ofiisi enu ehereza omugisa abantu abakwasirweho purojekiti rundi abakozi ab'omu purojekiti kurora ensonga zaabo zarorwamu kandi zakorwaho omu mulingo ogwetongoire ogwanguhire ogw'obwinganiza kandi ogw'amananu.

ix **Omukebezi w'engenderwaho z'okulinda eby'obuhangwa (Examiner for Environmental Guidelines) (EEG).** Ekitongole kinu kikateekwaho kutangirra kuhyema hali banka ya Japan eyenkoragan y'amahanga gatali gamu (JBIC). EEG kitongole ekyetongoire ha banka ya JBIC ekijunaanizibwa ha mirimo y'eby'ensimbi ey'amahanga gatali gamu n'emirimo y'okwekebiija eby'obuhangwa. Emikorre bahondera omu kukoraho kuhyema neyeta emikorre ey'ekigendererwa (objective procedure). JBIC ekatandikaho enkora y'emikorre yekigendererwa hamurundi nugwo gumu ogwali gw'okuteeka munkora engenderwaho z'okugumya enkozesa y'engenderwaho z'eby'obuhangwa n'enyikara y'abantu.

x **Kampuni y'ebyensimbi z'enkurakurana eya Budaaki. (FMO).** Kinu kitongole ekyamahanga gatali gamu ekya aba Daaki n'okukira muno banka y'byenkurakurana eya Budaaki eyeteeka esira ha nkurakurana y'ebitongole eby'abantu babuli kiro omu mahanga agakyakurakurana. FMO ina ekitongole ekyetongoire ekikoraho okuhyema (ICM) ekiikiriza abantu rundi ebitebe by'abantu okuruga aheeru ya projekiti zaayo, kuhayo kuhyema kwabo okurukwata ha nsonga ezirukurugirra ha purojekiti eza FMO etairemu ensimbi. ICM erora yatwaara mumaiso obugabe bwabantu kuhulirwa obu baraaba nibahurra ngu basobeziibwe porojekiti za FMO etairemu ensimbi nukwo habeho entegeka z'okumaraho enganaana n'kukonyera FMO kwegeraho isomo eririkoze sibwa omu purojekiti eziriija omu bwiire bw'omumaiso.

- xi** Ekitongole ekikoraho kuhyema ha purojekiti (Project Complaint Mechanism) (PCM) Banka ya Bulaaya ey'okudaabiriza n'okukurakurana (EBRD), kicateekaho CPM nk'akarorwaho k'okwehayo kwakyo kw'okuleetaho enkora y'omusana n'amazima omu mirimo yakyo. PCM kikoraho obutaikiraniza oburuga omu mirimo ya purojekiti za EBRD etairemu ensimbi rundi eyerukunihira kuteekamu ensimbi abarukuhyema eyi barukuhurra ngu ebasobiize rundi nesobora kubasobeza.
- xii** Ekitongole ekyetongoire eky'okwekaguzibwaho n'okuseruliiriza (MICI) Ofiisi ya banka eyekoraho eby'enkurakurana y'amahanga agakoragana na Amerika (IDB). MICI kyetongoire ha bwebembezi bwa banka ya IDB n'obutebe obwirukanganiza emirimo ya purojekiti ezitali zimu. MICI kikoraho kuhyema kw'abaikazi abasobora kuba basobeziibwe omu by'obuhangwa n'enyikara y'abantu okurugirra omu mirimo ya banka ya IDB etairemu ensimbi. Kuhyema kwona kukorwaho kuraba omu mikorre erukwebemberwa MICI - IDB n'emikorre y'okusiga ensimbi eya MICI - IDB eyegenderwaho kusigikirra ha rubu rw'emirimo yakyo n'enkora y'okurora ngu ebigendererwa, amananu n'okutagwera rubaju hali abo boona abrukukwatwaho byahonderwa.

6. Ebitongole ebyetongoire eby'obwakaliisoliiso (IAM) bikora bita

Ebitongole bya IAM bitali bimu bisobora kuba biine enkora etarukusisana omu kuhikyaho abantu bwakisiisi, baitu ekibasisaniza nukwo okwetongora kuraba omu mikorre eyetairweho n'obwiire obuba buhairwe. Leka twoleke nkooku IAM bikora emirimo yabyo.

- ***Kuzonzoora ensonga eziresireho okuhyema***

Abantu omu homu, abaikazi rundi ebitongole ebisobeziibweho purojekiti erukusagikwa IFI basobora kuhayo kuhyema kakuba bahurra ngu purojekiti ezir zibasobiize kandi zicwire emikorre n'obwerinzi obwatairweho IFI.

- ***Ebigenderwaho omu kwikiriza okuhyema (Eligibility Criteria)***

Buli nkora y'okuleetaho bwakisiisi ekira kugira engenderwaho y'okwoleka oha asobora kuhayo okuhyema. Munu nuho hasobora kuba abasibensi, ebitongole by'omukiikaro eki nabandi abarukukwatwaho busimbo emirimo ya purojekiti.

■ ***Kuhayo okuhyema***

Kuhyema nikusobors kuhaibwayo kuraba ha mikutu eyatairweho ebitongole ebyo nka email, obudaara bwa ha byoma bya kali magezi rundi nosobora kwetwarrayo ebaruha. Emiringo y'okuhayo kuhyema nooraba ha byoma bya kali magezi niyo enu:

- i) Habwa IRM eya AFDB nooraba ha; <https://irm.afdb.org/en/page/file-complaint/complaint-form>
- ii) Habwa banka yensi yona (World Bank) nooraba ha; <https://www.inspectionpanel.org/how-to-file-complaint>
- iii) Habwa ADB nooraba ha; <https://www.inspectionpanel.org/how-to-file-complaint>

■ ***Kwekebiija okwa hakubanza***

Hanyuma y'okutungo okuhyema, ekitongole ekyetongole eky'obwakaliisoliiso kikora kwekebiija okw'okubanza kugumya obu kuhyema kunu kuraaba kwinaumu omuramwa nukwo bakutwale haidaara erindi.

■ ***Kuseruliiriza***

Obu bamara kugumya ngu kuhyema kurumu omuramwa kuseruliiriza okwetongole kukorwa nukwo basobole kugumya ensobi eziba zikozirwe nizingana nkaha.

■ ***Kumaraho enganaana***

Obu kuseruliiriza kumara kuhwa ebiri omu kuhyema bikagumibwa, ekitongole eky'obwakaliisoliiso kikora alipoota. Emirundi erukukira obwingi ekitongole kinu kisobora kumaraho enganaana kuraba omu kuleeta embaju zombi hameeza kuanuura n'okubateeraniza.

■ ***Kuhayo ebihanuuro by'kutwara ensonga mumaiso nokuha bwakisiisi***

Kusigikirra ha bizonzoirwe omu kuseruliiriza, n'okulengaho kumara enganaana kuraba omu kuanuura n'okuteeraniza embaju zombi, ekitongole eky'obwakaliisoliiso kihayo ebihanuuro byakyo ebiraleetaho kumaraho enganaana. Omu bwiire

bunu bwoona alipoota ezirukwoleka nambere okukoraho okuhyemaa kuhikire. Okuseruliza n'okumaraho enganaana nambere bihikire bisobora kuturukibwa kurora habaho enkora y'omusana.

7. Bwakisiisi ki eyesobora kutungwa

Ebitongole ebyetongole eby'obwakaliisoliiso ebya IFI bikira kugarukira hakuhayo ebihanuuro by'okutwara mumaiso ensonga hali IFI eyerukukwatwaho. Ebi biri aho, bwakisiisi esobora kubamu kulehera rundi kuhinduramu omu mikorre ya purojekiti n'ebindi bingi.

8. Kuhyema ninkuhayo nta

Kuhyema hali ebitongole ebyetongole eby'obwakaliisoliiso ebya IFI kusemeriire kuba mu buhandiiki kandi kusemeriire kubamu ensonga nkuru nambere hali; Ebyakakorwaho omu kulengaho kumaraho ekizibu eki n'omulingo ensobi ezo rundi ebiremere kukorwa omu purojekiti erukuhyemebwaho biresire obulemeezi.

9. Noha asobora kuhayo okuhyema

Omuntu weena, ekitebe ky'abantu rundi abasibensi abrukuhurra ngu basobe-zibwe rundi basobora kusobezibwa purojekiti erukusagikwa IFI rundi DFI rundi ezo ezirukuhurwahurwa kuteekwamu ensimbi IFI rundi DFI nibasobora kuhayo kuhyema kwabo.

10. Bintu ki ebirukwetaagisa kuba omu kuhyema

Kuhyema okurukuhebwayo kusemeriire kubamu binu;

- i) Ibara n'enamba y'esimu ey'omuntu rundi ez'ekitebe ky'abantu abarukuhayo okuhyema.
- ii) Kutondogorra omu bigufu IFI/DFI erukuteeka ensimbi omu purojekiti.
- iii) Kutondogorra kwekizibu ekiresirwe rundi ekisobora kuleetwa purojekiti n'ekisobora kusiisikara habwa purojekiti.
- iv) Obu haraaba haroho ekitongole ekirukwebembera abarukuhyema omu kuhayo okuhyema kwabo. Abarukwebemberwa basemerire kuha orusa ekitongole eki omu buhandiiki.

11. Habwaki tusemeriire kukozeza ebitongole ebyetongoire eby'obwakaliisoliiso?

Ebitongole binu bikonyera abantu rundi ebitebe by'abantu ababa basobeziibwe emirimo ya purojekiti za IFI/DFI, kuhayo kuhyema kwabo kukakorwaho omu bwiire mubwinganiza kandi omumulingo ogwetongoire.

12. Bulinzi ki obwatairwe mu mikorre ya purojekiti ezisagikwa IFI/DFI?

Ebitongole bya IFI eburukukira obwingi bikateekaho obulinzi omu mikorre yabyo kurora byakehya rundi byamaraho kutalibanizibwa kwabantu omu ntegeka zaabyo ez'okuleetaho enkurakurana. Omutindo gunu guroho kurora enkurakurana yaba y'orutekerro. Esira eteekwa ha bugabe bw'abantu omu kulengaho kuleetaho empindahinduka ey'omugaso.

13. Obulinzi bunu bukwata ha nsonga ki

Emikorre y'obulinzi oburukukira obwingi eyetaagisa kyohoza (emirundi erukukira obwingi eba gavumenti) kuzonzoora ekecuncura kandi ekarora yasobora ebizibu eby'obuhangwa n'enyikara y'abantu ebisobora kurugirra ha project otairemu n'ensonga z'empindahinduka y'obwiire. Nobu haraaba nihasobora kuhindikamu omu mpandiika y'emikorre y'obwerinzi bunu ensonga eziba nizikorwaho zikira kusigara nizo zimu. Obulinzi bunu bukwatana na binu;

- Embeera z'obutonde, naddala ebidda ku nkozesa y'ettaka; embeera y'enAbasibensi ab'embaganiza ha bandi
- Ebiikaro ebiha obuhumuro ebisoro n'ebimera ebitalibimu n'ebyobuguuda eby'obuhangwa
- Kufurra abantu bategondiize
- Obwerinzi n'okutabangura amaizi orwooya n'itaka
- Kwekaguzaho abarukukwatwaho nokutunga orusa rwabo orw'okuteeka purojekiti omunkora
- Ensonga z'abakyara naabo abatarukwesobora
- Kwetaba omu purojekiti okwaabo boona abarukukwatwaho
- Ebizibu ebisobora kutalibaniza enyikara y'abantu. N'ebindi bingi

14. Abantu abasobeziibwe nibasobora kuserra obwinganiza kuraba omu bitongole ebyetongoire eby'obwakaliisoliiso hamurundi nugwo gumu bakakozesa emihanda endi ey'okunyegerra?

Ego, ebitongole ebyetongoire eby'obwakaliisoliiso biteekaho buteekaho omuhanda ogundi ogwekigendererwa ky'okwongera amaani omu kawefube y'okumaraho enganaana n'okukira muno ha kirukukwata ha kucwa emikorre ey'obulinzi nenkora eyatairweho IFI.

15. Bikuru ki ebisemeriire kwijukwaga omu nkozesa y'ebitongole ebyetongoire eby'obwakaliisoliiso

Binu bisemeriire kwijukwaga;

- i) Kwahura kurungi embazo n'ebihandiiko otungire omunkoragana n'ebitongole binu. Munu nuho hali za email, ebirugire omu nkurato n'ebibaziibwe ha masimu.
- ii) Seruliza kandi ohandiike enkora yoona eyecwire obulinzi n'emikorre ebyatairweho IFI omu mirimo ya purojekiti.
- iii) Oijuke kuteekaho ebisisani maapu endagirro rundi obwakaiso bundi bwona oburukukwata ha nsonga eyerukuhyemwaho.
- iv) Hondereza okuteekwa omu nkora okw'ebihanuuro ebihairweyo ekitongole ekyetongoire eky'obwakaliisoliiso kurora eganaana zahwaho.

16. Kumalirra

Ebitongole ebya IFI na DFI biine ebitongole ebyetongoire ebyatairweho n'ekigendererwa ky'okuhereza abantu ababa basobeziibwe purojekiti omuhanda ogwanguhire kandi ogw'obwinganiza nambere ensonga zaabo zisobora kuhulirwa zikakorwaho kurora habaho amazima omu kuteeka munkora emirimo ya purojekiti. Engenderwaho enu etairweho n'ekigendererwa kyokuba ekihandiiko eky'okwegaguzibwahoga eky'omugaso kandi ekyanguhire hali abantu, ebitebe by'abantu n'ebitongole ebirabaga bisobeziibwe purojekiti ezirukutekwamu ensimbi IFI rundi DFI.



UGANDA CONSORTIUM ON
CORPORATE ACCOUNTABILITY

U C C A

UCCA SECRETARIAT

Initiative for Social and Economic Rights (ISER)

Plot 60 Valley Drive, Ministers' Village, Ntinda

P. O. Box 73646, Kampala - Uganda

Telephone: +256 414 581 041

Website: www.ucca-uganda.org